



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ექსორია

ექსორია [ლათ. ex- -გან, -იდან და ბერძნ. horos – საზღვარი (მოდვ.)], სახელმწიფოდან განდევნა, გადახვეწა (უმთავრესად პოლიტიკური მიზეზების გამო). ფეოდ. საქართველოში ტერმინი „ექსორია“ იხმარებოდა გაძევების აღსანიშნავად. ასეთ სასჯელს ადებდნენ „მინდობით გამოყვანილ“, ანუ მშვიდობიანი მოლაპარაკებით დამორჩილებულ შეთქმულებს, „ვისაც განდგომაში მცირედი მონაწილეობა ჰქონდა მიღებული, აგრეთვე განდგომისა და ღალატის მეორეგზისი განზრახვისა და დაპირებისათვის“ (ივ. ჯავახიშვილი). გაძევებულს „ექსორიაქმნილი“ ეწოდებოდა.

ლიტ.: ჯ ა ვ ა ხ ი შ ვ ი ლ ი ივ., ქართული სამართლის ისტორია, წგ. 2, ნაკვ. 2, თბ., 1984 (თხზ. თორმეტ ტომად, ტ. 7).

ი. ფუტყარაძე
